



INSTITUTE OF ANCIENT  
NEAR EASTERN STUDIES  
Charles University  
Prague

መጽሐፈ:ሄኖክ::

# The Book of Enoch

Book V  
The Epistle of Enoch

Electronic edition of Ethiopic text  
prepared by Michal Jerabek

THIS TEXT CANNOT BE SOLD UNDER ANY CIRCUMSTANCES.

Library of Ethiopian Texts, <http://anes235-1.ff.cuni.cz>, Prague

© Michal Jerabek, Prague 1995

## Copyright Notice:

1995 Library of Ethiopian Texts, created and maintained by Michal Jerabek, Prague. Permission to use, copy, and distribute this text, for any NONCOMMERCIAL purpose is hereby granted without fee, provided that the copyright notice and this permission notice appear in all copies of this text. This text cannot be sold under any circumstances.

## Preface:

This e-text is based on: A.Dillmann's *Liber Henoch aethiopice, ad quinque codicum fidem editus cum variis lectionibus*, Leipzig, 1851.

Please, report any error in Ethiopic text to  
[michal.jerabek@ff.cuni.cz](mailto:michal.jerabek@ff.cuni.cz).

Leave you e-mail address and you will be prompted after the corrections are made so that you can upload corrected version.

Comments are welcome.

ምዕራፍ፡ ፲ ወ ፰ ።

ክፍል፡ ፳፩ ።

ወይእኬኒ፡ ወልድዮ፡ ማቲሳሳ፡ ጸውዕ፡ ሊተ፡ ኩሎ፡ አኅዊከ፡ ወአስተጋብእ፡ ሊተ፡ ኩሎ፡ ደቂቀ፡ እምከ፡ እስመ፡ ቃል፡ ይጻውዐኒ፡ ወመንፈስ፡ ተክዕወ፡ በላዕሌዮ፡ ከመ፡ አርኢክሙ፡ ኩሎ፡ ዘይበጽሐክሙ፡ እስከ፡ ለዓለም ።

ወእምኔሁ፡ ሐረ፡ ማቲሳሳ፡ ወጸውዮሙ፡ ለኩሎሙ፡ አኅዊሁ፡ ኅቤሁ፡ ወአስተጋብአሙ፡ ለአዝማደ፡ ዘኢአሁ ። ወተናገሮሙ፡ ለኩሎሙ፡ ውሉዱ፡ ጽድቀ፡ ወይቤ፡ ስምዑ፡ ደቂቅዮ፡ ኩሎ፡ ነገረ፡ አብክሙ፡ ወአፅምኡ፡ በርትዕ፡ ቃለ፡ አፋዮ፡ እስመ፡ አሰምዕ፡ ዲቤክሙ፡ ወእነግረክሙ፡ ፍቅራንዮ፡ አፍቅርዮ፡ ለርትዕ፡ ወባቲ፡ ሐሩ ።

ወኢትቅረቡ፡ ኅብ፡ ርትዕ፡ በ፪ ልብ፡ ወኢትኅበሩ፡ እስለ፡ እለ፡ በ፪ ልብ፡ አላ፡ ሐሩ፡ በጽድቅ፡ ደቂቅዮ፡ ወይእቲ፡ ትመርሐክሙ፡ በፍናዋት፡ ኄራት፡ ወጽድቅ፡ ይከውን፡ ለክሙ፡ ሱታፌ ።

እስመ፡ አአምር፡ ከመ፡ ይጸንዕ፡ አላዌ፡ ግፍዕ፡ ዲብ፡ እድር፡ ወይትፌጸም፡ መቅሠፍት፡ ዐቢይ፡ ዲብ፡ እድር፡ ወትትፌጸም፡ ኩላ፡ ዐመፃ፡ ወትትገዘም፡ እምሥረዊሃ፡ ወኩሉ፡ ሕንጻ፡ የሐልፍ ።

ወትደግም፡ ካዕበ፡ ዐመፃ፡ ወትትፌጸም፡ ዲብ፡ እድር፡ ኩሉ፡ ግብረ፡ ዐመፃ፡ ወግብረ፡ ግፍዕ፡ ወአበሳ፡ ካዕበተ ።

ወእመኒ፡ ትልህቅ፡ ዐመፃ፡ ወኅቢአት፡ ወጽርፈት፡ ወግፍዕ፡ ወኩሉ፡ ግብር፡ ወትልህቅ፡ ዕልወት፡ ወአበሳ፡ ወርኩስ፡ መቅሠፍት፡ ዐቢይ፡ ይከውን፡ እምሰማይ፡ ዲብ፡ እሉ፡ ኩሎሙ፡ ወይወጽእ፡ እግዚእ፡ ቅዱስ፡ በመዐት፡ ወበመቅሠፍት፡ ከመ፡ ይግበር፡ ኩነኔ፡ ዲብ፡ እድር ። በእማንቱ፡ መዋዕል፡ ትትገዘም፡ ግፍዕ፡ እምነ፡ ሥረዊሃ፡ ወአሥራው፡ ዐመፃ፡ እስለ፡ ጉሕሉት፡ ወይትሐገሉ፡ እምታሕተ፡ ሰማይ ።

ወኩሉ፡ ይትወሀብ፡ እስለ፡ አሕዛብ፡ ማኅፈድ፡ በእሳት፡ ትነድድ፡ ወያወጽእዎሙ፡ እምኩሉ፡ እድር፡ ወይትገደፋ፡ በኩነኔ፡ እሳት፡ ወይትኅገሉ፡ በመዐት፡ ወበኩነኔ፡ ኅያል፡ እንተ፡ ለዓለም ።

ወይትኅሣእ፡ ጸድቅ፡ እምንዋም፡ ወይትኅሣእ፡ ጥቡብ፡ ወይትወሀብ፡ ሎሙ ። ወእምኔሁ፡ ይትገዘሙ፡ አሥራው፡ ዐመፃ፡ ወኃጥኣን፡ ይትኅገሉ፡ በሰይፍ፡ እምጽፋፋን፡ ይትገዘሙ፡ በኩሉ፡ መካን፡ ወእለ፡ ይሔልይዋ፡ ለግፍዕ፡ ወእለ፡ ይገብርዋ፡ ለጽርፈት፡ ይትኅገሉ፡ በመጥባሕት ።

ወእምድኅረዝ፡ ትከውን፡ ካልእት፡ ሰንበት፡ ሳምኒት፡ እንተ፡ ጽድቅ፡ ወይትወሀብ፡ ሳቲ፡ ሰይፍ፡ ከመ፡ ይትገብር፡ ኩነኔ፡ ወጽድቅ፡ እምእለ፡ ይገፍዑ፡ ወይትማጠው፡ ኃጥኣን፡ በእደዊዎሙ፡ ለጸድቃን ። ወበተፍጻሜታ፡ ያጠርዶ፡ አብያተ፡ እምጽድቀ፡ ዘኢአሆሙ፡ ወይትሐነጽ፡ ቤት፡ ለንጉሥ፡ ዐቢይ፡ ለሱብሐት፡ እስከ፡ ለዓለም ።

ወእምድኅረዝ፡ በሰንበት፡ ታስዕ፡ ባቲ፡ ኩነኔ፡ ጽድቅ፡ ትትከሠት፡ ለኩሉ፡ ዓለም፡ ወኩሉ፡ ተግባረ፡ ረሲዓን፡ ይወጽእ፡ እምዲብ፡ ኩሉ፡ እድር፡ ወይጸሐፍ፡ ለሐጉል፡ ዓለም፡ ወኩሉ፡ ሰብእ፡ ይኔጽሩ፡ ለፍኖተ፡ ርትዕ ። ወእምድኅረ፡ ዝንቱ፡ በሰንበት፡ ዓሥርት፡ ፯እድ፡ ባቲ፡ ኩነኔ፡ እንተ፡ ለዓለም፡ ወትትገብር፡ እምትጉሃን፡ ወሰማይ፡ ዘለዓለም፡ ዐቢይ፡ ዘይበቀላል፡ እማእከሎሙ፡ ለመላእክት ። ወሰማይ፡ ቀዳማይ፡ ይወጽእ፡ ወየኅልፍ፡ ወሰማይ፡ ሐዲስ፡ ይትረኣይ፡ ወኩሉ፡ ኃይላተ፡ ሰማያት፡ ያበርሁ፡ ለዓለም፡ ፯እክዕቢተ ።

ወእምድኅረዝ፡ ሰንበታት፡ ብዙኃት፡ እለ፡ አልቦን፡ ኅላፊታ፡ ለዓለም፡ በኒሩት፡ ወበጽድቅ፡ ይከውኑ፡ ወኅቢአት፡ እምህዮ፡ ኢትትበሀል፡ እስከ፡ ለዓለም ።

ወይእኬኒ፡ እብለክሙ፡ ደቂቅዮ፡ ወአርእዮክሙ፡ ፍናዋተ፡ ጽድቅ፡ ወፍናዋተ፡ ግፍዕኒ፡ ወአርእዮክሙ፡ ካዕበ፡ ከመ፡ ታእምሩ፡ ዘይመጽእ ።

ወይእኬኒ፡ ስምዑ፡ ደቂቅዮ፡ ወሐሩ፡ በፍናዋተ፡ ጽድቅ፡ ወኢትሐሩ፡ በፍናዋተ፡ ግፍዕ፡ እስመ፡ ይትሐገሉ፡ ለዓለም፡ ኩሎሙ፡ እለ፡ የሐውሩ፡ በፍኖተ፡ ዐመፃ ።

ምዕራፍ፡፲ ወ፱።

ክፍል፡፺፪።

ዘተጽሕፈ፡እምሄኖክ፡ጸሐፊ፡ዝኩሉ፡ትምህርተ፡ጥበብ፡እምኩሉ፡ሰብእ፡ሰቡሕ፡  
 ወመኩንነ፡ኩሉ፡እድር፡ለኩሎሙ፡ውሉድየ፡እለ፡የኅድሩ፡ዲበ፡እድር፡  
 ወለትውልድ፡ደኅራውያን፡እለ፡ይገብሩ፡ርትዐ፡ወሰላመ።  
 ኢትኅዝን፡መንፈስክሙ፡በአዝማን፡እስመ፡መዋዕለ፡ወሀበ፡ቅዱስ፡ዐቢይ፡ለኩሉ።  
 ወይትኅሣእ፡ጸድቅ፡እምንዋም፡ይትኅሣእ፡ወየኅልፍ፡በፍኖተ፡ጽድቅ፡ወኩሉ፡ፍኖቱ፡  
 ወምሕዋሪሁ፡ዘቡረሩት፡ወበሣህል፡ዘለዓለም።  
 ይሠሀሎ፡ለጸድቅ፡ወሎቱ፡ይሁብ፡ርትዐ፡ዘለዓለም፡ወይሁብ፡ሥልጣን፡ወይከውን፡  
 ቡረሩት፡ወበጽድቅ፡ወየሐውር፡ቡብርሃን፡ዘለዓለም።  
 ወኅጢአት፡በጽልመት፡ትትሐጉል፡እስከ፡ለዓለም፡ወኢትትረአይ፡እንከ፡እምይእቲ፡  
 ዕለት፡እስከ፡ለዓለም።

ክፍል፡፺፫።

ወእምድኅረዝ፡ኮነ፡ሄኖክ፡ወአኅዘ፡ይትናገር፡እመ ጸሕፍት።  
 ወይቤ፡ሄኖክ፡በእንተ፡ውሉደ፡ጽድቅ፡ወበእንተ፡ኅሩያነ፡ዓለም፡ወበእንተ፡ተክለ፡  
 ጽድቅ፡ወርትዕ፡እሎንተ፡እብለክሙ፡ወአየድዐክሙ፡ደቂቅየ፡አነ፡ውእቱ፡ሄኖክ፡  
 በዘአስተርአየረ፡እምራእየ፡ሰማይ፡ወእምቃለ፡ቅዱሳን፡መላእክት፡አእመርኩ፡  
 ወእምጸፍጸፈ፡ሰማይ፡ለበውኩ።  
 ወአኅዘ፡እንከ፡ይትናገር፡ሄኖክ፡እመጸሕፍት፡ወይቤ፡አነ፡ኅብዕ፡ተወለድኩ፡  
 በቀዳሚት፡ሰንበት፡እስከ፡አመ፡ኩነኔ፡ወጽድቅ፡ተዐገሠ።  
 ወትቀውም፡እምድኅሪዎ፡በካልእት፡ሰንበት፡ዐባይ፡እኪት፡ወጉሕሉት፡በቁለት፡  
 ወባቲ፡ትከውን፡ፍጻሜ፡ቀዳሚት፡ወባቲ፡ይድኅን፡ብእሲ፡ወእምድኅረ፡ተፈጸመ፡  
 ትልህቅ፡ዐመጸ፡ወሥርዐተ፡ይገብር፡ለኃጥአን።  
 ወእምድኅረዝ፡በሣልስት፡ሰንበት፡በተፍጻሜታ፡ይትኅረይ፡ብእሲ፡ለተክለ፡ኩነኔ፡  
 ጽድቅ፡ወእምድኅሪሁ፡ይመጽእ፡ተክለ፡ጽድቅ፡ለዓለም።  
 ወእምድኅረዝ፡በራብዕት፡ሰንበት፡በተፍጻሜታ፡ራእያተ፡ቅዱሳን፡ወጸድቃን፡  
 ይትረአዩ፡ወሥርዐት፡ለትውልደ፡ትውልድ፡ወዐጸድ፡ይትገበር፡ሎሙ።  
 ወእምድኅረዝ፡በሰንበት፡ኃምስ፡በተፍጻሜታ፡ቤተ፡ስብሐት፡ወመንግሥት፡ይትሐነጽ፡  
 እስከ፡ለዓለም።  
 ወእምድኅረዝ፡በሳድስት፡ሰንበት፡እለ፡ይከውኑ፡ውስቴታ፡ጽሉሳን፡ኩሎሙ፡  
 ወይትረሳዕ፡ልቦሙ፡ለኩሎሙ፡እምጥበብ፡ወባቲ፡የዐርግ፡ብእሲ፡ወበተፍጻሜታ፡  
 ይውዲ፡ቤተ፡መንግሥት፡በእሳት፡ወባቲ፡ይዘረው፡ኩሉ፡ዘመደ፡ሥርው፡ኅሩይ።  
 ወእምድኅረዝ፡በሳብዕት፡ሰንበት፡ትትኅሣእ፡ትውልድ፡ዕሉት፡ወብዙኅ፡ምግባራቲሃ፡  
 ወኩሉ፡እግባራቲሃ፡ዕልወት።  
 ወበተፍጻሜታ፡ይትዐሰዩ፡ኅሩያን፡ጸድቃን፡እምተክለ፡ጽድቅ፡ዘለዓለም፡እለ፡  
 ይትወሀብ፡ሎሙ፡፺እክዕቢታተ፡ትምህርት፡ለኩሉ፡ፍጥረተ፡ዘአሁ።  
 እስመ፡መኑ፡ውእቱ፡ኩሉ፡ውሉደ፡ሰብእ፡ዘይክል፡ሰሚዐ፡ቃሎ፡ለቅዱስ፡  
 ወኢይትሀወክ፡ወመኑ፡ዘይክል፡ከመ፡የሐሊ፡ሕሊናሁ፡ወመኑ፡ዘይክል፡ነጽሮታ፡  
 ለኩሉ፡እግባረ፡ሰማይ።  
 ወምንት፡ውእቱ፡ዘይክል፡አእምሮ፡ግብረ፡ሰማይ፡ወከመ፡ይርአይ፡ኅፍሶ፡ወእመ፡አኮ፡  
 መንፈሶ፡ወይክል፡ኅገረ፡ወእመ፡አኮ፡ዐሪገ፡ወይሬኢ፡ኩሎ፡አክናፊሆሙ፡  
 ወይሐዮሙ፡ወእመ፡አኮ፡ይገብር፡ከማሆሙ።  
 ወመኑ፡ውእቱ፡ኩሉ፡ብእሲ፡ዘይክል፡አእምሮተ፡እፎ፡ውእቱ፡ራኅባ፡ወኑኃ፡  
 ለምድር፡ወለመኑ፡ተርእየ፡አምጣነ፡ኩሎሙ።  
 ወእመ፡ቦቱ፡ኩሉ፡ብእሲ፡ዘይክል፡አእምሮተ፡ኑኃ፡ለሰማይ፡ወእፎ፡ውእቱ፡  
 ልዕልናሃ፡ወዲበ፡እንት፡ጸንዐት፡ወሚመጠን፡ውእቱ፡ኅሉልቆሙ፡ለከዋክብት፡  
 ወበአይቱ፡የዐርፉ፡ኩሎሙ፡ብርሃናት።

ክፍል : ፺፬ ::

ወይእኬኒ : እብለክሙ : ደቂቅየ : አፍቅርዋ : ለጽድቅ : ወባቲ : ሑሩ : እስመ : ፍናዋተ :  
 ጽድቅ : ይደሉ : ይትወከፍዎሙ : ወፍናዋተ : ዐመፃ : ፍጡነ : ይትሐገሙ : ወየሐፅፁ ::  
 ወለሰብእ : እሙራን : እምትውልድ : ይትከሠቱ : ፍናዋተ : ግፍዕ : ወሞት :  
 ወይርኅቁእምኔሆሙ : ወኢይተልውዎሙ ::  
 ወይእኬኒ : ለክሙ : እብል : ለጸድቃን : ኢትሑሩ : በፍኖት : እኩይ : ወግፍዕ :  
 ወኢበፍናዋተ : ሞት : ወኢትቅረብ : ኅቤሆሙ : ከመ : ኢትትሐገሙ ::  
 አሳ : ፍቅዱ : ወኅረዩ : ለክሙ : ጽድቀ : ወሕይወተ : ኅሪተ : ወሑሩ : በፍናዋተ : ሰላም :  
 ከመ : ትሕየው : ወትደለው ::  
 ወትእኅዙ : በሕሊና : ልብክሙ : ወኢይደምሰስ : ነገርየ : እምልብክሙ : እስመ : አኦምር :  
 ከመ : ምኔክርዎሙ : ኃጥአን : ለሰብእ : ከመ : ይግባሩ : ጥበብ : እኩየ : ወኩሉ : መካን :  
 ኢይትረከብ : ላቲ : ወኩሉ : መከራ : ኢየሐፅፁ ::  
 አሌ : ሎሙ : ለእለ : የሐንጽዋ : ለዐመፃ : ወለግፍዕ : ወይሳርርዋ : ለጉሕሉት : እስመ :  
 ፍጡነ : ይትከሠቱ : ወአልቦሙ : ሰላም ::  
 አሌ : ሎሙ : ለእለ : የሐንጽዋ : አብያቶሙ : በኅጢአት : እስመ : እምኩሉ : መሰረቶሙ :  
 ይትከሠቱ : ወበሰይፍ : ይወድቁ : ወእለ : ምርይዎ : ለወርቅ : ወሉብሩር : በኩነኔ :  
 ፍጡነ : ይትሐገሙ ::  
 አሌ : ለክሙ : አብዕልት : እስመ : ዲብ : ብዕልክሙ : ተወከልክሙ : ወእምነ : ብዕልክሙ :  
 ትወጽኡ : እስመ : ለልዑል : ኢተዘከርክምዎ : በመዎል : ብዕልክሙ ::  
 ገበርክምዎ : ለጽርፈት : ወለዐመፃ : ወድልዋነ : ኮንክሙ : ለዕለተ : ክዕወተ : ደም :  
 ወለዕለተ : ጽልመት : ወለዕለተ : ኩነኔ : ዐባይ ::  
 ከመዘ : እብል : አነ : ወአየደዐክሙ : ከመ : ይገፈትዐክሙ : ዘፈጠረክሙ : ወዲብ :  
 ድቀትክሙ : ኢይከውን : እሕረት : ወፈጣሪክሙ : ይትፌሣሕ : በሐጉልክሙ ::  
 ወጸድቃን : ዘኢክሙ : በእማንቱ : መዎል : ይከውኑ : ጽእለተ : ለኃጥአን : ወለረሲዓን ::

ክፍል : ፺፭ ::

መኑ : ይሁብኒ : አዕይንትየ : ከመ : ይኩና : ደመና : ማይ : ወእብኪ : ዲቤክሙ : ወእክዐው :  
 አንብዕየ : ከመ : ደመና : ማይ : ወአዕርፍ : እምኅዘነ : ልብየ ::  
 መኑ : ወሀበክሙ : ከመ : ትግባሩ : ጽልዐ : ወእከየ : ወይርከብክሙ : ለኃጥአን :  
 ኩነኔ :: ኢትፍርሁ : ጸድቃን : እምኃጥአን : እስመ : ካዕብ : ያገብኦሙ : እግዚአብሔር :  
 ውሰተ : እዴክሙ : ከመ : ትግባሩ : ሳዕሌሆሙ : ኩነኔ : በከመ : ፈቀድክሙ ::  
 አሌ : ለክሙ : እለ : ታወግዙ : ግዙታተ : ከመ : ኢትፍትሑ : ወፈውስ : ርኑቅ : እምኔክሙ :  
 በእንተ : ኅጢአተ : ዘኢክሙ :: አሌ : ለክሙ : እለ : ትፈድዩ : እኩየ : ለቢጽክሙ : እስመ :  
 ትትፈደዩ : በከመ : እግባሪክሙ ::  
 አሌ : ለክሙ : ለሰማዕታተ : ሐሰት : ወለእለ : ይደልውዋ : ለዐመፃ : እስመ : ፍጡነ :  
 ትትሐገሙ ::  
 አሌ : ለክሙ : ለኃጥአን : እስመ : ለጸድቃን : ትሰድድዎሙ : እስመ : አንትሙ : ትትማጠው :  
 ወትሰደዱ : እለ : ዐመፃ : ወይጸንዕ : በሳሌክሙ : አርኡተ : ዘኢሆሙ ::

ክፍል : ፺፮ ::

ተሰፈው : ጸድቃን : እስመ : ፍጡነ : ይትሐገሙ : ኃጥአን : እም ቅድሜክሙ : ወሥልጣን :  
 ይከውን : ለክሙ : ዲቤሆሙ : በከመ : ፈቀድክሙ ::  
 ወበዕለተ : እንደቤሆሙ : ለኃጥአን : ይትሌዐሉ : ወይትነሥኡ : ከመ : አንስርት : እጉለ :  
 ዘኢክሙ : ወፈድፋድ : እምነ : አውሰት : ይከውን : እጽላሊክሙ : ወተዐርጉ : ወትበውኡ :  
 በንድለታተ : እድር : ወበንቅዕታተ : ኩኩሕ : ለዓለም : ከመ : ግሔ : እምቅድመ :  
 ዐማፅያን : ወይንዕኩ : ዲቤክሙ : ወይበክዩ : ከመ : ጼዴናታት ::  
 ወአንትሙሰ : ኢትፍርሁ : እለ : ሐመምክሙ : እስመ : ፈውሰ : ይከውነክሙ : ወብርሃን :  
 ብሩህ : ያበርህ : ለክሙ : ወቃለ : ዕረፍት : ትሰምዑ : እምሰማይ ::

አሌ፡ ለክሙ፡ ታጥኣን፡ እስመ፡ ብዕክሙ፡ ያመሰለክሙ፡ ጻድቃን፡ ወልብክሙ፡ ይዘልፈክሙ፡  
 ከመ፡ ታጥኣን፡ አንትሙ፡ ወዝንቱ፡ ነገር፡ ይከውን፡ ዲቤክሙ፡ ሰማዕተ፡ ለተዝካረ፡  
 እከያት፡ ።  
 አሌ፡ ለክሙ፡ እለ፡ ትበልዑ፡ ሥብሐ፡ ስርናይ፡ ወትሰትዩ፡ ኅይለ፡ ሥርወ፡ ነቅዕ፡  
 ወትከይድዎሙ፡ ለትሐታን፡ በኅይልክሙ፡ ።  
 አሌ፡ ለክሙ፡ እለ፡ ትሰትዩ፡ ማየ፡ በኩሉ፡ ጊዜ፡ እስመ፡ ፍጡነ፡ ትትፈደዩ፡ ወትትዌድኡ፡  
 ወትየብሱ፡ እስመ፡ ኅደግሙ፡ ነቅዕ፡ ሕይወት፡ ።  
 አሌ፡ ለክሙ፡ እለ፡ ትገብሩ፡ ዐመፃ፡ ወጉሕሉተ፡ ወጽርፈተ፡ ተዝካረ፡ ይከውን፡  
 ዲቤክሙ፡ ለእከይ፡ ።  
 አሌ፡ ለክሙ፡ ኅያላን፡ እለ፡ በኅይል፡ ትኩርዕዎ፡ ለጻድቅ፡ እስመ፡ ትመጽእ፡ ዕለተ፡  
 ኅጉልክሙ፡ በእማንቱ፡ መዋዕል፡ ይመጽእ፡ ለጻድቃን፡ መዋዕል፡ ብዙኃት፡ ወኅራት፡  
 በዕለተ፡ ኩነኔ፡ ዚእክሙ፡ ።

ክፍል፡ ፺፯፡ ።  
 ተኣመኑ፡ ጻድቃን፡ እስመ፡ ለጽእለት፡ ይከውኑ፡ ታጥኣን፡ ወይትኅገሱ፡ በዕለተ፡ ዐመፃ፡ ።  
 እሙረ፡ ይከውን፡ ለክሙ፡ እስመ፡ ልዑል፡ ይዜከር፡ ሐጉለክሙ፡ ወይትፌሥሐ፡  
 መላእክት፡ ዲቤክሙ፡ ሐጉለ፡ ዚእክሙ፡ ።  
 ምንተ፡ ትግበሩ፡ ሀለወክሙ፡ ኅጥኣን፡ ወአይቱ፡ ትጉይዩ፡ በይእቲ፡ ዕለት፡ እንተ፡ ኩነኔ፡  
 ሰባ፡ ትሰምዑ፡ ቃለ፡ ጸሎቶሙ፡ ለጻድቃን፡ ።  
 ወአንትሙ፡ ኢትከውኑ፡ ከማሆሙ፡ እለ፡ ሰማዕተ፡ ይከውን፡ ዲቤክሙ፡ ዝንቱ፡ ነገር፡  
 ሱቱፋኑ፡ ኮንክሙ፡ ለታጥኣን፡ ።  
 ወበእማንቱ፡ መዋዕል፡ ትበጽሕ፡ ጸሎቶሙ፡ ለጻድቃን፡ ኅብ፡ እግዚእ፡ ወለክሙ፡ ይበጽሕ፡  
 መዋዕለ፡ ኩነኔክሙ፡ ።  
 ወይትነብብ፡ ኩሉ፡ ነገረ፡ ዐመፃክሙ፡ ቅድመ፡ ዐቢይ፡ ወቅዱስ፡ ወይትኅፈር፡ ገጽክሙ፡  
 ወይትገደፍ፡ ኩሉ፡ ተግባር፡ ዘጸንዐ፡ በዐመፃ፡ ።  
 አሌ፡ ለክሙ፡ ታጥኣን፡ እለ፡ ማእከለ፡ ባሕር፡ ወዲቤክሙ፡ የብስ፡ እለ፡ ዝክሮሙ፡ እኩይ፡  
 ዲቤክሙ፡ ።  
 አሌ፡ ለክሙ፡ እለ፡ ታጠርዩ፡ ብሩረ፡ ወወርቅ፡ ዘኢኮነ፡ በጽድቅ፡ ወትብሉ፡ ብዕልነ፡ ብዕለ፡  
 ወኮነ፡ ለነ፡ ንዋይ፡ ወአጥረይነ፡ ኩሎ፡ ዘፈቀድነ፡ ።  
 ወይእኬኒ፡ ንግበር፡ ዘሐለይነ፡ እስመ፡ ብሩረ፡ አስተጋባእነ፡ ወመላእኑ፡ መዛግብቲነ፡  
 ወከመ፡ ማይ፡ ብዙኅ፡ ሐረስተ፡ አብያቲነ፡ ።  
 ወከመ፡ ማይ፡ ይውኅዝ፡ ሐሰትክሙ፡ እስመ፡ ኢይነብር፡ ለክሙ፡ ብዕል፡ አላ፡ ፍጡነ፡  
 የዐርግ፡ እምኔክሙ፡ እስመ፡ ኩሎ፡ በዐመፃ፡ አጥረይክሙ፡ ወአንትሙ፡ ለመርገም፡ ዐቢይ፡  
 ትትወሀብ፡ ።

ክፍል፡ ፺፰፡ ።  
 ወይእኬኒ፡ አነ፡ እምሕል፡ ለክሙ፡ ለጠቢባን፡ ወለክብዳን፡ እስመ፡ ብዙኅ፡ ትሬእዩ፡ ዲቤክሙ፡  
 እድር፡ ።  
 እስመ፡ ሥነ፡ ትወድዩ፡ ላዕሌክሙ፡ አንትሙ፡ ዕደው፡ ፈድፋድ፡ እምአንስት፡ ወኅብረ፡  
 ፈድፋድ፡ እምድንግል፡ በመንግሥት፡ ወበዕባይ፡ ወበሥልጣን፡ ወበብሩር፡ ወወርቅ፡  
 ወማላት፡ ወክብር፡ ወመባልዕት፡ ከመ፡ ማይ፡ ይትከዐው፡ ።  
 በእንተዝ፡ ትምህርት፡ ወጥብብ፡ አልቦሙ፡ ወቦቱ፡ ይትሐጉሉ፡ ኅቡረ፡ ምስለ፡  
 ንዋያቲሆሙ፡ ወምስለ፡ ኩሉ፡ ስብሐቶሙ፡ ወክብሮሙ፡ ወበጽእለት፡ ወበቀትል፡  
 ወበንዴት፡ ዐቢይ፡ ትትወደይ፡ መንፈሶሙ፡ ውሰተ፡ እቶነ፡ እሳት፡ ።  
 መሐልኩ፡ ለክሙ፡ ታጥኣን፡ ከመ፡ ኢኮነ፡ ደብር፡ ገብረ፡ ወኢይከውን፡ ወኢወግር፡  
 ለብእሲት፡ አመተ፡ ከመዝ፡ ኅጢአትኒ፡ ኢተፈነወት፡ ዲቤክሙ፡ ምድር፡ አላ፡ ሰብእ፡  
 እምርእሶሙ፡ ፈጠርዋ፡ ወለመርገም፡ ዐቢይ፡ ይከውኑ፡ እለ፡ ገብርዋ፡ ።  
 ወምክነት፡ ለብእሲት፡ ኢተወህቡት፡ አላ፡ በእንተ፡ ግብረ፡ እደዊሃ፡ ትመውት፡ ዘእንበለ፡  
 ውሉድ፡ ።

መሐልኩ፡ ለክሙ፡ ታጥኣን፡ በቅዱስ፡ ወዐቢይ፡ እስመ፡ ኩሉ፡ ግብርክሙ፡ እኩይ፡ ክሠት፡  
 ውእቱ፡ በሰማያት፡ ወአልብክሙ፡ ግብረ፡ ግፍፍ፡ ክዱን፡ ወኢኅቡእ፡፡  
 ወኢታምሰሉ፡ በመንፈስክሙ፡ ወኢትበሉ፡ በልብክሙ፡ እስመ፡ ኢታአምሩ፡ ወኢትሬእዩ፡  
 ኩሉ፡ ኅጢአተ፡ በሰማይ፡ ይጸሐፍ፡ ሀሎ፡ በኩሉ፡ ዕለት፡ በቅድሜሁ፡ ለልዑል፡፡  
 እምይእዜ፡ ተአምሩ፡ እስመ፡ ኩሉ፡ ግፍፍክሙ፡ ዘትገፍዑ፡ ይጸሐፍ፡ በኩሉ፡ ዕለት፡  
 እስከ፡ ዕለተ፡ ኩኅኔክሙ፡፡  
 አሌ፡ ለክሙ፡ አብዳን፡ እስመ፡ ትትሐጉሉ፡ በእብድክሙ፡ ወለጠቢባን፡ ኢትሰምዕዎሙ፡  
 ወሠናይ፡ ኢይረክበክሙ፡ ወይእዜኒ፡ አእምሩ፡ ከመ፡ ድልዎን፡ አንትሙ፡ ለዕለተ፡  
 ሐጉል፡ ወኢትሰፈው፡ ከመ፡ ተሐይው፡ ታጥኣን፡ አላ፡ ተሐውሩ፡ ወትመውቱ፡ እስመ፡  
 ኢተአምሩ፡ ቤዛ፡ እስመ፡ ተደለውክሙ፡ ለዕለተ፡ ኩኅኔ፡ ዐባይ፡ ወለዕለተ፡ እንዳቤ፡  
 ወኅሳር፡ ዐቢይ፡ ለመንፈስክሙ፡፡  
 አሌ፡ ለክሙ፡ ግዙፋነ፡ ልብ፡ እለ፡ ትገብሩ፡ እኩየ፡ ወትበልዑ፡ ደመ፡ እምአይቱ፡ አንትሙ፡  
 ትበልዑ፡ በሠናይ፡ ወትሰትዩ፡ ወትጸግብ፡ እስመ፡ እምኩሉ፡ ሠናይ፡ ዘአፈድፈደ፡ እግ  
 ዚእነ፡ ልዑል፡ ዲብ፡ እድር፡ ወአልብክሙ፡ ሰላም፡፡  
 አሌ፡ ለክሙ፡ እለ፡ ታፈቅርዎ፡ ለግብረ፡ ዐመ፡ ለምንት፡ ለክሙ፡ ትሴፈውዎ፡ ለሠናይት፡  
 አእምሩ፡ ከመ፡ ሀለወክሙ፡ ትትወሀቡ፡ በእዴሆሙ፡ ለጸድቃን፡ ወይመትሩ፡  
 ክሣውዲክሙ፡ ወይቀትሉክሙ፡ ወኢይምሕሩክሙ፡፡  
 አሌ፡ ለክሙ፡ እለ፡ ትትፈሥሐ፡ በምንዳቤሆሙ፡ ለጸድቃን፡ እስመ፡ መቃብር፡  
 ኢይትከረይ፡ ለክሙ፡፡  
 አሌ፡ ለክሙ፡ እለ፡ ታበጥሉ፡ ነገረ፡ ጸድቃን፡ እስመ፡ ኢይከውን፡ ለክሙ፡ ተስፋ፡  
 ሕይወት፡፡  
 አሌ፡ ለክሙ፡ እለ፡ ትጽሕፋ፡ ነገረ፡ ሐሰት፡ ወነገረ፡ ረሲዓን፡ እስመ፡ ውእቶሙ፡  
 ይጽሕፋ፡ ሐሰቶሙ፡ ከመ፡ ይስምዕዎ፡ ወኢይርስእዎ፡ ለእብድ፡ ወኢይከውን፡ ሎሙ፡  
 ሰላም፡ አላ፡ ሞተ፡ ይመውቱ፡ ፍጡነ፡፡

ክፍል፡ ፺፱፡፡

አሌ፡ ሎሙ፡ ለእለ፡ ይገብሩ፡ ርስዕናተ፡ ወለነገረ፡ ሐሰት፡ ይሴብሐ፡ ወያከብሩ፡  
 ተሐጉልክሙ፡ ወአልብክሙ፡ ሕይወት፡ ሠናይት፡፡  
 አሌ፡ ለክሙ፡ እለ፡ ትዌልጥዎን፡ ለነገራተ፡ ርትዕ፡ ወሥርዐተ፡ እንተ፡ ለዓለም፡ የዐልው፡  
 ወይሬስዩ፡ ርእሶሙ፡ ዘኢኮኑ፡ ታጥኣን፡ ዲብ፡ እድር፡ ሀለው፡ ይትከዩ፡፡  
 በእማንቱ፡ መዋዕል፡ ተደለው፡ ጸድቃን፡ ከመ፡ ትንሥኡ፡ ጸሎታቲክሙ፡ በተዝካር፡  
 ወአንበርክምዎሙ፡ ሰማዕተ፡ በቅድመ፡ መላእክት፡ ከመ፡ ያንብርዎ፡ ለኅጢአተ፡ ታጥኣን፡  
 በቅድመ፡ ልዑል፡ ለተዝካር፡፡  
 በእማንቱ፡ መዋዕል፡ ይትሀወኩ፡ አሕዛብ፡ ወይትነሥኡ፡ አዝማደ፡ አሕዛብ፡ በዕለት፡  
 እንተ፡ ሐጉል፡፡  
 ወበእማንቱ፡ መዋዕል፡ እለ፡ ይጸኑሉ፡ ይወጽኡ፡ ወይመስጡ፡ ደቂቆሙ፡ ወይገድፍዎሙ፡  
 ለደቂቆሙ፡ ወእምኔሆሙ፡ ይድኅፅ፡ ውሉደሙ፡ ወእንዘ፡ ይጠብው፡ ይገድፍዎሙ፡  
 ወኢይገብኡ፡ ኅቤሆሙ፡ ወኢይምሕርዎሙ፡ ለፍቁራኒሆሙ፡፡  
 ካዕበ፡ አነ፡ እምሕል፡ ለክሙ፡ ለታጥኣን፡ እስመ፡ ለዕለተ፡ ደም፡ ዘኢየኅድዕ፡ ተደለወት፡  
 ኅጢአት፡፡  
 ወይሰግዱ፡ ለእብን፡ ወእለ፡ ይገልፉ፡ እስለ፡ ዘወርቅ፡ ወዘብሩር፡ ወዘዕፅ፡ ወዘልሕኩት፡  
 ወእለ፡ ይሰግዱ፡ ለነፍሳት፡ ርኩሳት፡ ወአጋንንት፡ ወለኩሉ፡ ግዖት፡ ወበምሕራማት፡  
 ወኩሉ፡ ረድኤት፡ ኢይትረከብ፡ እምኔሆሙ፡፡  
 ወይትረስዑ፡ በእንተ፡ እብደ፡ ልቦሙ፡ ወይጸላላ፡ አዕይንቲሆሙ፡ በፍርሀተ፡ ልቦሙ፡  
 ወበርእዮ፡ አሕላሞሙ፡፡  
 ቦሙ፡ ይረስዑ፡ ወይፈርሁ፡ እስመ፡ ኩሎ፡ ግብሮሙ፡ በሐሰት፡ ገብሩ፡ ወሰገዱ፡ ለእብን፡  
 ወይትሐጉሉ፡ በምዕር፡፡

ወበእማንቱ፡ መዋዕል፡ ብፁዓን፡ ኩሎሙ፡ እለ፡ ይትጫጠው፡ ነገረ፡ ጥበብ፡ ወየአምርዎ፡  
 ወይገብርዎን፡ ለፍናዋተ፡ ልዑል፡ ወየሐውሩ፡ በፍኖተ፡ ጽድቅ፡ ወኢይረስዑ፡ እስለ፡  
 እለ፡ ይረስዑ፡ እስመ፡ እሙንቱ፡ ይድኅኑ።  
 አሌ፡ ለክሙ፡ እለ፡ ትሰፍሕዋ፡ ለእኪት፡ ለቢጽክሙ፡ እስመ፡ በሲኦል፡ ትትቀተሉ።  
 አሌ፡ ለክሙ፡ እለ፡ ትገብርዋ፡ ለመሠረተ፡ ግጢአት፡ ወጉሕሉት፡ ወእለ፡ ያመርሩ፡ ዲቦ፡  
 እድር፡ እስመ፡ ቦቱ፡ ይትዌድኡ።  
 አሌ፡ ለክሙ፡ እለ፡ ትኅድቁ፡ አብያቲክሙ፡ በጻጻ፡ በዕድ፡ ወኩሉ፡ መንድቆሙ፡ ግንፋል፡  
 ወእብነ፡ ግጢአት፡ እብለክሙ፡ ከመ፡ አልብክሙ፡ ሰላም።  
 አሌ፡ ሎሙ፡ ለእለ፡ ይጫንኑ፡ መሥፈርተ፡ ወርስተ፡ አበዊሆሙ፡ እንተ፡ ለዓለም፡  
 ወያተልው፡ ነፍሶሙ፡ ድኅረ፡ ጣዖት፡ እስመ፡ ኢይከውን፡ ሎሙ፡ ዕረፍት።  
 አሌ፡ ሎሙ፡ ለእለ፡ ይገብርዋ፡ ለዐመፍ፡ ወይረድእዋ፡ ለግፍዕ፡ ወይቀትሉ፡ ቢጾሙ፡ እስከ፡  
 ዕለተ፡ ኩኅኔ፡ ዐባይ።  
 እስመ፡ ያወድቅ፡ ስብሐቲክሙ፡ ወይወዲ፡ እከየ፡ ውስተ፡ ልብክሙ፡ ወያነሥእ፡ መንፈሰ፡  
 መዐቱ፡ ከመ፡ ያሕጉልክሙ፡ ለኩልክሙ፡ በሰይፍ፤ ወኩሎሙ፡ ጻድቃን፡ ወቅዱሳን፡  
 ይዜከሩ፡ ግጢአት፡ ዚአክሙ።

ክፍል ፡ ፫ ።

ወበእማንቱ፡ መዋዕል፡ በ፩ መካን፡ አበው፡ እስለ፡ ውሉዶሙ፡ ይትጓድዑ፡ ወአኅው፡ እስለ፡  
 ቢጾሙ፡ ይወድቁ፡ በሞት፡ እስከ፡ ይውኅዝ፡ ከመ፡ ተከዚ፡ እምደመ፡ ዚአሆሙ።  
 እስመ፡ ብእሲ፡ ኢይከልእ፡ እዴሁ፡ እምውሉዱ፡ ወእምውሉዱ፡ ውሉዱ፡ ምሐረ፡  
 ከመ፡ ይቅትሎ፡ ወኃጥእ፡ ኢይከልእ፡ እዴሁ፡ እምነ፡ እኅሁ፡ ክብር፡ እምኅሕ፡ እስከ፡  
 ተዐርብ፡ ፀሐይ፡ ወይትቃተሉ።  
 ወየሐውር፡ ፈረስ፡ እስከ፡ እንግድዓሁ፡ ውስተ፡ ደመ፡ ኃጥኣን፡ ወሰረገላ፡ እስከ፡  
 መልዕልታ፡ ትሠጠም።  
 ወበእማንቱ፡ መዋዕል፡ መላእክት፡ ይወርዱ፡ ውስተ፡ እኅባኣት፡ ወያገብእዎሙ፡ በ፩  
 መካን፡ ለኩሎሙ፡ እለ፡ ይረድእዋ፡ ለግጢአት፡ ወይትኅሣእ፡ ልዑል፡ በይእቲ፡ ዕለት፡  
 ከመ፡ ይግበር፡ ኩኅኔ፡ ዐቢየ፡ እምኩሎሙ፡ ኃጥኣን። ወዐቀብተ፡ ይሁብ፡ ዲቦ፡ ኩሎሙ፡  
 ጻድቃን፡ ወቅዱሳን፡ እመላእክት፡ ቅዱሳን፡ የዐቅብዎሙ፡ ከመ፡ ብንተ፡ ዐይን፡ እስከ፡  
 ይትዌዳዕ፡ ኩሉ፡ እከይ፡ ወኩሉ፡ ግጢአት፡ ወእመኒ፡ ይነውሙ፡ ጻድቃን፡ ንዋመ፡ ነዋኅ፡  
 ወአልቦሙ፡ ዘይፈርሁ።  
 ወእሙነ፡ ይሬእዩ፡ ሰብእ፡ ጠቢባን፡ ወይሌብው፡ ውሉዱ፡ እድር፡ ኩሎ፡ ነገረ፡ ዛቲ፡  
 መጽሐፍ፡ ወየአምሩ፡ ከመ፡ ኢይክል፡ ብዕለሙ፡ አድኅኖቶሙ፡ በሙዳቀ፡ ግጢአቶሙ።  
 አሌ፡ ለክሙ፡ ኃጥኣን፡ ሰበ፡ ታመነድብዎሙ፡ ለጻድቃን፡ በዕለተ፡ ጻሕብ፡ ግያል፡  
 ወታኅድድዎሙ፡ በእሳት፡ ወትትፈደዩ፡ በከመ፡ እግባሪክሙ።  
 አሌ፡ ለክሙ፡ ግፍቱዓነ፡ ልብ፡ እለ፡ ትተግሁ፡ ከመ፡ ትለብውዎ፡ ለእኩይ፡ ወሀለው፡  
 ይርከብክሙ፡ ፍርሀት፡ ወአልቦ፡ ዘይረድአክሙ።  
 አሌ፡ ለክሙ፡ ኃጥኣን፡ እስመ፡ ዲቦ፡ ቃለ፡ አፉክሙ፡ ወዲቦ፡ ተግባረ፡ እደዊክሙ፡ እለ፡ ግ  
 ብረ፡ ረሳዕክሙ፡ በዋዕየ፡ ላህበ፡ እሳት፡ ትውዕዩ።  
 ወይእኬኒ፡ አእምሩ፡ ከመ፡ መላእክት፡ ይትኅሠሡ፡ እግባሪክሙ፡ በሰማይ፡ እምፀሐይ፡  
 ወእምወርኅ፡ ወእምከዋክብት፡ በእንተ፡ ግጢአት፡ ዚአክሙ፡ እስመ፡ በዲቦ፡ እድር፡  
 ትገብሩ፡ ግብ፡ ጻድቃን፡ ኩኅኔ።  
 ወያሰምዕ፡ ላዕሌክሙ፡ ኩሎ፡ ደመና፡ ወጊጫ፡ ወጠለ፡ ወዝናመ፡ እስመ፡ ሀለው፡  
 ኩሎሙ፡ ይትከልኡ፡ እምኔክሙ፡ ከመ፡ ኢይረዱ፡ ዲቤክሙ፡ ወኢይሐልዩ፡ ግብ፡  
 ግጢአትክሙ።  
 ወይእኬኒ፡ ሀቡ፡ አምኃ፡ ለዝናም፡ ከመ፡ ኢትትከላእ፡ ወሪደ፡ ዲቤክሙ፡ ወጠል፡ እመ፡  
 ተመጠው፡ እምኔክሙ፡ ወርቀ፡ ወብሩረ።  
 ሰበ፡ ይወድቅ፡ ዲቤክሙ፡ አስሐትያ፡ ወሐመዳ፡ ወቀሩ፡ ዚአሆሙ፡ ወኩሉ፡ ነፋሳተ፡  
 ሐመዳ፡ ወኩሉ፡ ፃዕራተ፡ ዚአሆሙ፡ በእማንቱ፡ መዋዕል፡ ኢትክሉ፡ ቀዊመ፡  
 ቅድሜሆሙ።

ክፍል : ፻፩ ፡፡

ጠይቅዋ : ለሰማይ : ኩልክሙ : ውሉደ : ሰማይ : ወኩሎ : ግብረ : ልዑል : ወፍርሀ :  
 እምኔሁ : ወኢትግበሩ : እኩዮ : በቅድሜሁ ፡፡  
 እመ : ዐፀወ : መስኮተ : ሰማይ : ወከልክ : ዝናመ : ወጠለ : ከመ : ኢይረድ : ዲበ : እድር :  
 በእንቲኦክሙ : ማህለወክሙ : ትግበሩ ፡፡  
 ወእመ : ፈነወ : መዐቶ : ዲቤክሙ : ወዲበ : ኩሉ : እግባሪክሙ : አኮ : አንትሙ : እለ :  
 ታስተበቅሶዎ : እስመ : ትትናገሩ : ዲበ : ጽድቀ : ዚአሁ : ዐቢያተ : ወጽኑዓተ :  
 ወአልብክሙ : ሰላም ፡፡  
 ወኢትፊእይዎሙኑ : ለነገሥተ : አሕማር : እፎ : ይትሀወኩ : እሞገድ : ወያንቀለቅሉ :  
 እምነፋሳት : አሕማርሙ : ወይትመነደብ ፡፡  
 ወበእንተ : ዝንቱ : ይፈርሀ : እስመ : ኩሉ : ንዋዮሙ : ሠናይ : ይወጽእ : ውስተ : ባሕር :  
 እስሌሆሙ : ወሠናዮ : ኢይሄልዩ : በልሎሙ : እስመ : ባሕር : ይውሕጦሙ : ወይትሐገሎሉ :  
 ውስቴታ ፡፡  
 አኮኑ : ኩሉ : ባሕር : ወኩሉ : ማያቲሃ : ወኩሉ : ሐሰታ : ግብረ : ልዑል : ውእቱ :  
 ወውእቱ : ኩሎ : ግብረታ : ሐተመ : ወአሠረ : ኩለንታሃ : በኖፃ ፡፡  
 ወበተግሣጹ : ትዮብስ : ወትፈርህ : ወኩሉ : ዓሣቲሃ : ይመውቱ : ወኩሉ : ዘሀሎ :  
 ውስቴታ : ወአንትሙ : ኃጥአን : እለ : ውስተ : ምድር : ኢትፈርህዎ ፡፡  
 አኮኑ : ውእቱ : ገብረ : ሰማየ : ወምድረ : ወኩሎ : ዘሀሎ : ውስቴቶሙ : ወመኑ : ወሀበ :  
 ትምህርተ : ወጥበበ : ለኩሎሙ : እለ : ይትሐወሱ : ዲበ : ምድር : ወለእለ : ውስተ :  
 ባሕር ፡፡  
 አኮኑ : ውእቶሙ : ነገሥተ : አሕማር : ይፈርህዎ : ለባሕር : ወኃጥአንስ : ለልዑል :  
 ኢይፈርህዎ ፡፡

ክፍል : ፻፪ ፡፡

በእማንቱ : መዋዕል : ለእመ : ወደዮ : ዲቤክሙ : ዕፅበ : እሳተ : አይቴ : ትነፍጹ : ወበአይቴ :  
 ትድህኑ : ወሶበ : ይወዲ : ቃሎ : ዲቤክሙ : አኮኑ : ትትመሐከው : ወትፈርሀ ፡፡  
 ወኩሎሙ : ብርሃናት : ይትሀወኩ : በፍርሀት : ዐቢይ : ወኩላ : እድር : ትትመሐከው :  
 ወትርዕድ : ወትጌጉዕ ፡፡  
 ወኩሎሙ : መላእክት : ይፌጽሙ : ትእዘዙ : ወይፈቅዱ : ከመ : ይትኃብኡ : እምቅድመ :  
 ዐቢዮ : ስብሐት : ወይርዕድ : ደቂቀ : እድር : ወይትሀወኩ : ወአንትሙ : ኃጥአን : ርጉማን :  
 ለዓለም : ወአልብክሙ : ሰላም ፡፡  
 ኢትፍርሀ : አንትሙ : ነፍሳተ : ጻድቃን : ወተሰፈው : ዕለተ : ሞትክሙ : በጽድቅ ፡፡  
 ወኢትኅዝኑ : እስመ : ወረደት : ነፍስክሙ : ውስተ : ዐቢይ : እንደቤ : ወገናር : ወናእክ :  
 ወውስተ : ሲኦል : በሐዘን : ወኢረከበ : ሥጋክሙ : በሕይወትክሙ : በከመ : ሳሩትክሙ :  
 አላ : እንከ : በዕለት : እንተ : ባቲ : ኮንክሙ : ኃጥአን : ወበዕለተ : መርገም : ወመቅሠፍት ፡፡  
 ወሶበ : ትመውቱ : ይብሉ : በሳዕሌክሙ : ኃጥአን : ከመ : ሞትነ : ሞቱ : ጻድቃን : ወምንት :  
 ኮነ : በቀዳቶሙ : በምግባርሙ ፡፡  
 ነዋ : ከማነ : ሞቱ : በኅዘን : ወበጽልመት : ወምንት : ፈድፋዶሙ : እምኔነ : እምይእዜ :  
 ተዐረይነ ፡፡  
 ወምንተ : ይነሥኡ : ወምንተ : ይፊእዩ : ለዓለም : እስመ : እሙንቱሂ : ነዋ : ሞቱ :  
 ወእምይእዜ : ለዓለም : ኢይፊእዩ : ብርሃነ ፡፡  
 እብለክሙ : አንትሙ : ኃጥአን : አከለክሙ : በሊዕ : ወሶትይ : ወአዕርቆተ : ሰብእ : ወሐይድ :  
 ወኅጢኦት : ወአጥርዮተ : ንዋይ : ወርእዮተ : መዋዕል : ሠናይ ፡፡  
 ርኢክምዎሙኑ : ለጻድቃን : እፎ : ኮነ : ተፍጻሜቶሙ : ሰላመ : እስመ : ኩሉ : ግፍዕ :  
 ኢተረክበ : በሳዕሌሆሙ : እስከ : ዕለተ : ሞቶሙ ፡፡  
 ወተሐገሎ : ወኮኑ : ከመ : ዘኢኮኑ : ወወረዱ : ውስተ : ሲኦል : ነፍሳቲሆሙ : በምንደቤ ፡፡

ክፍል : ፻፫ ::

ወይእዜኒ : አነ : እምሕል : ለክሙ : ለጻድቃን : በባህይ : ስብሐቱ : ወክብሩ : ወበክቡር :  
 መንግሥቱ : ወበዕባይ : እምሕል : ለክሙ : እስመ : አነ : አእምር : ዘንተ : እሥጢረ :  
 ወአንቡብኩ : በጻፍጻፊ : ሰማይ : ወርኢኩ : ጽሕፈተ : ቅዱሳን : ወረከብኩ : ጽሑፊ :  
 ውሱቴቱ : ወልኩዐ : በእንቲአሆሙ ::  
 እስመ : ኩሉ : ሠናይ : ወፍሤ : ወክብር : ተደለወ : ሎሙ : ወተጽሕፈ : ለመናፍስቲሆሙ :  
 ለእለ : ሞቱ : በጽድቅ : ወቡብዙህ : ሠናይ : ይትወሀብ : ለክሙ : ተክለ : ጻማክሙ :  
 ወክፍልክሙ : ፈድፋድ : እምክፍለ : ሕያዋን ::  
 ወየሐይወ : መንፈስክሙ : ለእለ : ሞትክሙ : በጽድቅ : ወይትፊሥሐ : ወይትሐሠዩ :  
 መናፍስቲሆሙ : ወተዝካሮሙ : እምቅድመ : ገጹ : ለባህይ : ለኩሉ : ትውልደ : ዓለም :  
 ወይእዜኒ : ኢትፍርህዎ : ለኅሣሮሙ ::  
 አሌ : ለክሙ : ኃጥኣን : ሰበ : ትመውቱ : በኅጢአትክሙ : ወይብሉ : እሉ : እለ : ከማክሙ :  
 ዲቤክሙ : ብፁዓን : እሙንቱ : ኃጥኣን : ኩሎ : መዋዕሎሙ : ርእዩ ::  
 ወይእዜኒ : ሞቱ : በሠናይ : ወቡብዕል : ወምንዳቤ : ወቀትለ : ኢርእዩ : በሕይወቶሙ :  
 ወበስብሐት : ሞቱ : ወኩነኔ : ኢተገብረ : ሎሙ : በሕይወቶሙ ::  
 ተአምርዎሙ : እስመ : ውሱተ : ሲአል : ያወርድዎሙ : ለነፍሳቲሆሙ : ወእኩያተ :  
 ይከውና : ወምንዳቤሆሙ : ባህያ ::  
 ወበጽልመት : ወበመርቡብት : ወበላብህ : ዘይናድድ : ኅበ : ኩነኔ : ባይ : ትበውእ :  
 መንፈስክሙ : ወኩነኔ : ባይ : ትከውን : ለኩሉ : ትውልድ : እስከ : ለዓለም ፤ አሌ : ለክሙ :  
 እስመ : አልብክሙ : ሰላም ::  
 ኢትበልዎሙ : ለጻድቃን : ወሎኔራን : እለ : ሀለው : ውሱተ : ሕይወት : በመዋዕለ : ስራሕነ :  
 ጻማ : ጻመውነ : ወኩሎ : ስራሕ : ርኢነ : ወእኩያተ : ብዙኅ : ረከብነ : ወተወዳዕነ :  
 ወውሕድነ : ወንዕሳት : መንፈስነ ::  
 ወተሐጉልነ : ወአልቦ : ዘረድአነ : በነገር : ወበምግባር : ስእነ : ወኢምንተኒ : ኢረከብነ :  
 ወተፅዕርነ : ወተሐጉልነ : ወኢተሰፈውነ : ከመ : ንርአይ : ሕይወተ : ዕለተ : እምዕለት ::  
 ወተሰፈውነ : ንኩን : ርእስ : ወኮነ : ዘነበ ፤ ጻመውነ : እንዘ : ንትጌበር : ወኢሰለጥነ : ዲባ :  
 ጻማነ : ወኮነ : መባልዕተ : ለኃጥኣን : ወመግፅያን : አክበዱ : ላዕሌነ : አርዑተ : ዘአሆሙ ::  
 ወተሰልጡ : ዲቤነ : እለ : ይጸልዑነ : ወእለ : ይድጉዱነ : ወለእለ : ይጸልዑነ : አትሐትነ :  
 ክሳደነ : ወኢመሐፋነ ::  
 ወፈቀድነ : ንሐር : እምኔሆሙ : ከመ : ንንፍጽ : ወናዕርፍ : ወኢረከብነ : ኅበ : ንጉይይ :  
 ወንድሳን : እምኔሆሙ ::  
 ወሰከይናሆሙ : ኅበ : መላእክት : በምንዳቤነ : ወጸራሕነ : ዲባ : እለ : ይበልዑነ : ወጽራሕ :  
 ዘአነ : ኢይሬእዩ : ወኢይፈቅዱ : ከመ : ይስምዑ : ቃለነ :: ወይረድእዎሙ : ለእለ :  
 የሀይዱነ : ወይበልዑነ : ወለእለ : አውሐዱነ : ወየኅብኩ : ግፍዎሙ : ወኢያወጽኩ :  
 እምኔነ : አርኩቶሙ : አላ : ይበልዑነ : ወይዘርዝሩነ : ወይቀትሉነ : ወየኅብኩ : ቀትለነ :  
 ወኢተዘከሩ : ከመ : አንሥኩ : እደቂሆሙ : ላዕሌነ ::

ክፍል : ፻፬ ::

እምሕል : ለክሙ : ጻድቃን : እስመ : በሰማይ : ይዘከሩ : መላእክት : በእንቲአክሙ : ለሠናይ :  
 በቅድመ : ስብሐቲሁ : ለባህይ ፤ አስማቲክሙ : ይጸሐፍ : በቅድመ : ስብሐቲሁ : ለባህይ ::  
 ተሰፈው : እስመ : በቀዳሚ : ኅሰርክሙ : በእከይ : ወበስራሕ : ወይእዜኒ : ትበርሁ : ከመ :  
 ብርሃናተ : ሰማይ : ወትትረአዩ : ወኖኅተ : ሰማይ : ይትረኅው : ለክሙ ::  
 ወጽራሕ : ዘአክሙ : ኩነኔ : ጽርሐ : ወያስተርኢ : ለክሙ : እስመ : እምነ : መላእክት :  
 ይትኅሠሥ : ኩሎ : እንዳቤክሙ : ወእምኩሎሙ : እለ : አርድእዎሙ : ለእለ :  
 የሀይዱክሙ ::  
 ተሰፈው : ወኢትኅድጉ : ተሰፋክሙ : እስመ : ትከውን : ለክሙ : ፍሤ : ባይ : ከመ :  
 መላእክተ : ሰማይ ::  
 እንተ : ሀለወክሙ : ትግበሩ : አኮ : ትትኅብኩ : ሀለወክሙ : በዕለተ : ኩነኔ : ባይ :  
 ወኢትትረከቡ : ከመ : ኃጥኣን : ወኩነኔ : እንተ : ለዓለም : ትከውን : እምኔክሙ : ለኩሉ :

ትውልድ፡ ሳለም ፡፡ ወይእኬኒ ፡ ኢትፍርሁ ፡ ጻድቃን ፡ ሰበ ፡ ትሬእይዎሙ ፡ ለኃጥአን ፡  
 ይጸንቡ ፡ ወይዴለው ፡ በፍትወቶሙ ፡ ወኢትኩኑ ፡ ሱቱፋኑ ፡ እስሌሆሙ ፡ አላ ፡ ረኅቁ ፡  
 እምግፍዑ ፡ ዘኢሆሙ ፡ እስመ ፡ ለሐራ ፡ ሰማይ ፡ ሀለወክሙ ፡ ትኩኑ ፡ ሱቱፋኑ ፡፡  
 እስመ ፡ ትብሉ ፡ አንትሙ ፡ ኃጥአን ፡ ኢትኅሥሡ ፡ ወኢይጸሐፍ ፡ ኩሉ ፡ ኅጢአትኑ ፡  
 ይጽሕፉ ፡ ሀለው ፡ ኩሎ ፡ ኅጢአተክሙ ፡ በኩሉ ፡ ዕለት ፡፡  
 ወይእኬኒ ፡ አነ ፡ አርእየክሙ ፡ እስመ ፡ ብርሃን ፡ ወጽልመት ፤ ዕለት ፡ ወሌሊት ፡ ይሬእዩ ፡  
 ኩሎ ፡ ኅጢአተክሙ ፡፡  
 ኢትርስዑ ፡ በልብክሙ ፡ ወኢተሐስው ፡ ወኢትሚጥዎ ፡ ለነገረ ፡ ርትዕ ፡ ወኢታሐስውዎ ፡  
 ለነገረ ፡ ቅዱስ ፡ ወዐቢይ ፡ ወኢትሰብሕዎ ፡ ለግዎትክሙ ፡ እስመ ፡ ኢኮነት ፡ ኩላ ፡  
 ሐሰትክሙ ፡ ወኩሉ ፡ ርስዓንክሙ ፡ ለጽድቅ ፡ አላ ፡ ለኅጢአት ፡ ዐባይ ፡፡  
 ወይእኬኒ ፡ አነ ፡ አአምሮ ፡ ለዝ ፡ እሥጢር ፡ እስመ ፡ ነገረ ፡ ርትዕ ፡ ይመይጡ ፡ ወዋዕልው ፡  
 ብዙኃን ፡ ኃጥአን ፡ ወይትናገሩ ፡ ነገራተ ፡ እኩያተ ፡ ወይሐስው ፡ ወይፈጥሩ ፡ ፍጥረተ ፡  
 ዐቢያተ ፡ ወመጻሕፍተ ፡ ይጽሕፉ ፡ ዲበ ፡ ነገራቲሆሙ ፡፡  
 ወሰበሰ ፡ ኩሎ ፡ ነገርዎ ፡ ይጽሕፉ ፡ በርትዕ ፡ ዲበ ፡ ልሳናቲሆሙ ፡ ወኢይዌልጡ ፡  
 ወኢያሐፅፅ ፡ እምነገራትዎ ፡ አላ ፡ ኩሎ ፡ በርትዕ ፡ ይጽሕፉ ፡ ኩሎ ፡ ዘቀዳሚ ፡ አስማዕኩ ፡  
 በእንቲአሆሙ ፡፡  
 ወካልክ ፡ እሥጢረ ፡ አአምር ፡ እስመ ፡ ለጻድቃን ፡ ወለጠቢባን ፡ ይትወሀባ ፡ መጻሕፍታት ፡  
 ለፍሤ ፡ ወለርትዕ ፡ ወለጥቡብ ፡ ብዙኅ ፡፡  
 ወሎሙ ፡ ይትወሀባ ፡ መጻሕፍት ፡ ወዎአምኑ ፡ ቦሙ ፡ ወይትፌሥሑ ፡ ቦሙ ፡ ወይትዐሠዩ ፡  
 ኩሎሙ ፡ ጻድቃን ፡ እለ ፡ እምኔሆሙ ፡ አእመሩ ፡ ኩሎ ፡ ፍናዋተ ፡ ርትዕ ፡፡

ክፍል ፡ ፻፮ ፡፡

ወበእማንቱ ፡ መዋዕል ፡ ይቤ ፡ እግዚእ ፡ ከመ ፡ ይጸውዑ ፡ ወያሰምዑ ፡ ለውሉደ ፡ እድር ፡  
 በጥብቦሙ ፡ አርእዩ ፡ ሎሙ ፡ እስመ ፡ አንትሙ ፡ መራሕያኒሆሙ ፡ ወዕሤያተ ፡ ዲበ ፡ ኩላ ፡  
 እድር ፡፡  
 እስመ ፡ አነ ፡ ወወልድዎ ፡ ንዴመር ፡ እስሌሆሙ ፡ ለሳለም ፡ በፍናዋተ ፡ ርትዕ ፡ በሕይወቶሙ ፡  
 ወሰላም ፡ ይከውን ፡ ለክሙ ፤ ተፈሥሑ ፡ ውሉደ ፡ ርትዕ ፡ በአማን ፡፡

ምዕራፍ ፡ ፳ ፡፡

ክፍል ፡ ፻፯ ፡፡

ወእምድኅረ ፡ መዋዕል ፡ ነሥኦ ፡ ወልድዎ ፡ ማቱሳላ ፡ ለወልዱ ፡ ሳሜክ ፡ ብእሲተ ፡ ወፀንሰት ፡  
 እምኔሁ ፡ ወወለደት ፡ ወልደ ፡፡  
 ወኮነ ፡ ሥጋሁ ፡ ጸዕዳ ፡ ከመ ፡ አስሐትያ ፡ ወቀይሕ ፡ ከመ ፡ ጽጌ ፡ ረዳ ፡ ወፀጉረ ፡ ርእሱ ፡ ከመ ፡  
 ፀምር ፡ ጸዕዳ ፡ ወድምድማሁ ፡ ወሠናይ ፡ አዕይንቲሁ ፡ ወሰበ ፡ ከሠተ ፡ አዕይንቲሁ ፡ አብርሃ ፡  
 ኩላ ፡ ቤተ ፡ ከመ ፡ ፀሐይ ፡ ወፈድፋድ ፡ በርሀ ፡ ኩሉ ፡ ቤት ፡፡  
 ወሰበ ፡ ተንሥኦ ፡ እምእዴሃ ፡ ለመወልዲት ፡ ከሠተ ፡ አፋሁ ፡ ወተናገረ ፡ ለእግዚአ ፡ ጽድቅ ፡፡  
 ወፈርሀ ፡ ሳሜክ ፡ አቡሁ ፡ እምኔሁ ፡ ወጉዎ ፡ ወመጽኦ ፡ ኅብ ፡ አቡሁ ፡ ማቱሳላ ፡፡  
 ወይቤሎ ፡ አነ ፡ ወለድኩ ፡ ወልደ ፡ ውሉጠ ፡ ኢኮነ ፡ ከመ ፡ ሰብእ ፡ አላ ፡ ይመስል ፡ ደቂቀ ፡  
 መላእክተ ፡ ሰማይ ፡ ወፍጥረቱ ፡ ካልእት ፡ ወኢኮነ ፡ ከማነ ፡ ወአዕይንቲሁ ፡ ከመ ፡ እገራሁ ፡  
 ለጸሐይ ፡ ገጹ ፡ ሰቡሕ ፡፡  
 ወይመስለኒ ፡ ከመ ፡ ኢኮነ ፡ እምኔዎ ፡ አላ ፡ እመላእክት ፡ ውእቱ ፡ ወእፈርህ ፡ ከመ ፡  
 ኢይትገባር ፡ መንክር ፡ በመዋዕሊሁ ፡ ዲበ ፡ እድር ፡፡  
 ወይእኬኒ ፡ ሀለውኩ ፡ አቡዎ ፡ አስተብቀሁዐከ ፡ ወእስእል ፡ እምኅቤከ ፡ ከመ ፡ ትሑር ፡ ኅብ ፡  
 ሄኖክ ፡ አብነ ፡ ወትሰማዕ ፡ እምኅቤሁ ፡ አማነ ፡ እስመ ፡ ውእቱ ፡ እስለ ፡ መላእክት ፡ እንባሩ ፡፡  
 ወሰበ ፡ ሰምዑ ፡ ማቱሳላ ፡ ነገረ ፡ ወልዱ ፡ መጽኦ ፡ ኅቤዎ ፡ ውስተ ፡ አጽናፈ ፡ እድር ፡ እስመ ፡  
 ሰምዑ ፡ ከመ ፡ አዎ ፡ ሀሎኩ ፡ ወጸርሐ ፡ ወሰማዕኩ ፡ ቃሎ ፡ ወመጻእኩ ፡ ኅቤሁ ፡ ወእቤሎ ፡  
 ናሁ ፡ ሀለውኩ ፡ ወልድዎ ፡ እስመ ፡ መጻእኩ ፡ ኅቤዎ ፡፡

ወአውሥኦኒ፡ ወይቤ፡ በእንተ፡ ነገር፡ ዐቢይ፡ መጻእኩ፡ ኅቤክ፡ ወበእንተ፡ ራእይ፡ ዕፅብ፡ በዘቀረብኩ፡፡  
 ወይእዜኒ፡ አቡዮ፡ ስምዐኒ፡ እስመ፡ ተወልደ፡ ለላላኤክ፡ ወልድዮ፡ ወልድ፡ ዘኢኮነ፡  
 እምሳሉ፡ ወፍጥረቱ፡ ከመ፡ ፍጥረተ፡ ሰብእ፡ ወኅብሩ፡ ይጸዕዱ፡ እምአስተትያ፡  
 ወይቀይሕ፡ እምጽጌ፡ ረዳ፡ ወፀጉረ፡ ርእሱ፡ ይጸዕዱ፡ እምጸምር፡ ጸዕዳ፡ ወአዕይንቲሁ፡  
 ከመ፡ እገሪሁ፡ ለፀሐይ፡ ወከሠተ፡ አዕይንቲሁ፡ ወአብርሃ፡ ኩላ፡ ቤተ፡፡  
 ወተንሥኦ፡ እምውሰተ፡ እዴሃ፡ ለመወልዲት፡ ወፈትሐ፡ አፋሁ፡ ወባረኮ፡ ለእግዚአ፡  
 ሰማይ፡፡  
 ወፈርሐ፡ አቡሁ፡ ላላኤክ፡ ወጌዮ፡ ኅቤዮ፡ ወኢአምነ፡ ከመ፡ እምኔሁ፡ ወእቱ፡ አላ፡  
 እምሳሉ፡ እመላእክተ፡ ሰማይ፡ ወናሁ፡ መጻእኩ፡ ኅቤክ፡ ከመ፡ ታይድዐኒ፡ ጽድቀ፡፡  
 ወአውሣእኩ፡ አነ፡ ሄኖክ፡ ወእቤሎ፡ ይሐድስ፡ እግዚእ፡ ሐዲሳተ፡ ዲባ፡ እድር፡  
 ወዘንተ፡ ወዳዕኩ፡ ወርኢኩ፡ በራእይ፡ ወአይዳዕኩክ፡ እስመ፡ በትውልዱ፡ ለያሬድ፡  
 አቡዮ፡ አሳለፋ፡ ነገር፡ ለእግዚእ፡ እመልዕልተ፡ ሰማይ፡፡  
 ወነዮሙ፡ ይገብሩ፡ ኅብረተ፡ ወየሳልፋ፡ ሥርዐተ፡ ወምስለ፡ አንስት፡ ተደመሩ፡  
 ወምስሌሆን፡ ይገብሩ፡ ኅብረተ፡ ወአውሰብ፡ እምኔሆን፡ ወእምኔሆን፡ ወለዱ፡ ደቂቀ፡፡  
 ወሐጉል፡ ዐቢይ፡ ይከውን፡ ዲባ፡ ኩሉ፡ እድር፡ ወማየ፡ አይኅ፡ ይከውን፡ ወሐጉል፡  
 ዐቢይ፡ በ፩ ዓመት፡ ይከውን፡፡  
 ዝውእቱ፡ ወልድ፡ ዘተወልደ፡ ለክሙ፡ ወእቱ፡ ይተርፍ፡ ዲባ፡ እድር፡ ወ፫ ደቂቁ፡  
 ይድኅኑ፡ እስሌሁ፡ ሰባ፡ ይመውቱ፡ ኩሉ፡ ሰብእ፡ ዘዲባ፡ ምድር፡ ይድኅን፡ ወእቱ፡  
 ወደቂቁ፡፡  
 ይወልዱ፡ ዲባ፡ እድር፡ እለ፡ ያርብሕ፡ አኩ፡ ዘመንፈስ፡ አላ፡ ዘሥጋ፡ ወይከውን፡  
 መቅሠፍት፡ ዐቢይ፡ ዲባ፡ እድር፡ ወትትሐፀብ፡ እድር፡ እምኩሉ፡ ሙስና፡፡  
 ወይእዜኒ፡ አይድዕ፡ ለወልድክ፡ ላላኤክ፡ እስመ፡ ዘተወልደ፡ ወልዱ፡ ወእቱ፡ በጽድቅ፡  
 ወጸውዕ፡ ስሞ፡ ኖኅ፡ እስመ፡ ወእቱ፡ ይከውን፡ ለክሙ፡ ተረፈ፡ ወውእቱ፡ ወደቂቁ፡  
 ይድኅኑ፡ እሙስና፡ እንተ፡ ትመጽእ፡ ዲባ፡ ምድር፡ እምኩሉ፡ ኅብረተ፡ ወእምኩሉ፡  
 ዐመፅ፡ እንተ፡ ሀለወት፡ ትትፈጸም፡ ዲባ፡ እድር፡ በመዋዕሊሁ፡፡  
 ወእምድኅረዝ፡ ትከውን፡ ዐመፅ፡ ፈድፋድ፡ እምእንተ፡ ተፈጸመት፡ ቀዳሚ፡ ዲባ፡ እድር፡  
 እስመ፡ አአምር፡ እሥጢራተ፡ ቅዱሳን፡ እስመ፡ ወእቱ፡ እግዚእ፡ አርአየኒ፡  
 ወአይድዐኒ፡ ወበጸፍጸፈ፡ ሰማይ፡ አንቡብኩ፡፡

ክፍል፡ ፫፡፡  
 ወርኢኩ፡ ጽሑፈ፡ በላዕሌሆሙ፡ እስመ፡ ትውልድ፡ እምትውልድ፡ ትኤብስ፡ እስከ፡  
 ትትኅሣእ፡ ትውልድ፡ ጽድቅ፡ ወአባሳ፡ ትትሐገጌል፡ ወኅብረተ፡ ትትገሐስ፡ እምዲባ፡  
 እድር፡ ወኩሉ፡ ሠናይ፡ ይመጽእ፡ ዲቤሃ፡፡  
 ወይእዜኒ፡ ወልድዮ፡ ሐር፡ አይድዖ፡ ለወልድክ፡ ላላኤክ፡ እስመዝ፡ ወልድ፡ ዘተወልደ፡  
 ወልደ፡ ዘኢሁ፡ ወእቱ፡ አማን፡ ወኢኮነ፡ ሐሰተ፡፡  
 ወሰባ፡ ሰምዐ፡ ማቲሳላ፡ ነገር፡ አቡሁ፡ ሄኖክ፡ እስመ፡ ዘኅቡእ፡ አርአዮ፡ ኩሎ፡ ግብረ፡  
 ወገብአ፡ ርኢዮ፡ ወሰመዮ፡ ስሞ፡ ለውእቱ፡ ወልድ፡ ኖኅ፡ እስመ፡ ወእቱ፡ ያስተፈሣ፡  
 ለምድር፡ እምኩሉ፡ ኅጉል፡፡

ክፍል፡ ፫፡፡  
 ካልእ፡ መጽሐፍ፡ ዘጸሐፈ፡ ሄኖክ፡ ለወልዱ፡ ማቲሳላ፡ ወለእለ፡ ይመጽኡ፡ እምድኅሬሁ፡  
 ወየዐቅብ፡ ሥርዐተ፡ በደኃሪ፡ መዋዕል፡፡  
 እለ፡ ገበርክሙ፡ ወትጸንሑ፡ በእሉ፡ መዋዕል፡ እስከ፡ ይትፈጸሙ፡ እለ፡ ይገብሩ፡ እኩዮ፡  
 ወይትፈጸም፡ ኅይሎሙ፡ ለመአብሳን፡ እንትሙሰ፡ ጽንሑ፡ እስክ፡ ተሐልፍ፡ ኅብረተ፡  
 እስመ፡ ሀሎ፡ ስሞሙ፡ ይደመሰስ፡ እመጸሕፍተ፡ ቅዱሳን፡ ወዘርኤሙ፡ ይትሐገጌል፡  
 ለዓለም፡ ወመናፍስቲሆሙ፡ ይትቀተሉ፡ ወይጸርሑ፡ ወየዐወይው፡ በመካነ፡ በድው፡  
 ዘኢያስተርኢ፡ ወበእሳት፡ ይነድዱ፡ እስመ፡ ኢሀሎ፡ አየ፡ እድር፡፡

ወርኢኩ፡ አየ፡ ከመ፡ ደመና፡ ዘኢይትረኦይ፡ እስመ፡ እምዕመቄ፡ ኢክህልኩ፡ ላዕለ፡ ነጽሮ፡  
 ወላህበ፡ እሳቱ፡ ርኢኩ፡ እንዘ፡ ይነድድ፡ ስቡሕ፡ ወይትከበቡ፡ ከመ፡ አድባር፡ ስቤን፡  
 ወይትሀወኩ፡ ለፌ፡ ወለፌ፡ ።  
 ወተሰእልክዎ፡ ለ፩እመላእክት፡ ቅዱሳን፡ እለ፡ እስሌዎ፡ ወእቤሎ፡ ምንት፡ ውእቱ፡  
 ዝሰብሕ፡ እስመ፡ ኢኮነ፡ ሰማየ፡ አላ፡ ላህበ፡ እሳት፡ ባሕቲቲ፡ ዘይነድድ፡ ወቃለ፡ ጽራሕ፡  
 ወብካይ፡ ወአውያት፡ ወሕማም፡ ጎያል፡ ።  
 ወይቤለኒ፡ ዝንቱ፡ መካን፡ ዘትሬኢ፡ በህየ፡ ይትወደዩ፡ መናፍስተ፡ ኃጥኣን፡ ወፅፋፋን፡  
 ወእለ፡ ይገብሩ፡ እኩየ፡ ወእለ፡ ይመይጡ፡ ኩሎ፡ ዘነገረ፡ እግዚአብሔር፡ በአፈ፡ ነቢያት፡  
 እለ፡ ሀለው፡ ይትገቡሩ፡ ።  
 እስመ፡ ሀለው፡ እምኔሆሙ፡ ጽሑፋን፡ ወልኩዓን፡ ላዕለ፡ በሰማይ፡ ከመ፡ ያንብብዎሙ፡  
 መላእክት፡ ወያእምሩ፡ ዘሀሎ፡ ይብጽሑሙ፡ ለኃጥኣን፡ ወለመናፍስተ፡ ትሑታን፡ ወእለ፡  
 አሕመሙ፡ ሥጋሆሙ፡ ወተፈድዩ፡ እምኅበ፡ አምላክ፡ ወእለ፡ ጎሰሩ፡ እምእኩያን፡  
 ሰብእ ፤ እለ፡ አፍቀርዎ፡ ለአምላክ፡ ኢወርቀ፡ ወኢብሩረ፡ ኢያፍቀሩ፡ ወኢኩሎ፡ ሠናየ፡  
 ዘውስተ፡ ዓለም፡ አላ፡ ወሀቡ፡ ሥጋሆሙ፡ ለጳዕር ፤ ወእለ፡ እምኣመ፡ ኮኑ፡ ኢፈተው፡  
 መባልዕተ፡ ዘውስተ፡ እድር፡ አላ፡ ረሰዩ፡ ርእሶሙ፡ ከመ፡ መንፈስ፡ እንተ፡ ጎለፈት፡ ወዘንተ፡  
 ዐቀቡ፡ ወብዙኃ፡ አመከሮሙ፡ እግዚእ፡ ወተረክብ፡ መንፈሳቲሆሙ፡ በንጽሕ፡ ከመ፡  
 ይባርክዎ፡ ለስሙ፡ ።  
 ወኩሎ፡ በረከቶሙ፡ ነገርኩ፡ በመጻሕፍት፡ ወዐሰዮሙ፡ ለአርእስቲሆሙ፡ እስመ፡ እለ፡  
 ተረክብ፡ ያፈቅርዎ፡ ለሰማይ፡ እምእስትንፋሶሙ፡ ዘለዓለም፡ ወእንዘ፡ ይትከዩዱ፡  
 እምእኩያን፡ ሰብእ፡ ወሰምዑ፡ እምኅቤሆሙ፡ ትዕይርተ፡ ወጽርፈተ፡ ወጎሰሩ፡ እንዘ፡  
 ይባርኩኒ ።  
 ወይእኬኒ፡ እጼውዕ፡ መናፍስቲሆሙ፡ ለኔራን፡ እምትውልድ፡ እንተ፡ ብርሃን፡  
 ወእዌልጥ፡ ለእለ፡ ተወልዱ፡ በጽልመት፡ እለ፡ በሥጋሆሙ፡ ኢተፈድዩ፡ ክብረ፡ በከመ፡  
 ይደሉ፡ ለሃይማኖቶሙ፡ ።  
 ወአወጽኦሙ፡ በብሩህ፡ ብርሃን፡ ለእለ፡ ያፈቅርዎ፡ ለስምየ፡ ቅዱስ፡ ወአነብር፡ ፲፩  
 ውስተ፡ መንበረ፡ ክብር፡ ክብረ፡ ዚአሁ ።  
 ወይትውጎውኑ፡ በአዝማን፡ ዘአልቦ፡ ተልቀኑ፡ እስመ፡ ጽድቅ፡ ኩነኔሁ፡ ለአምላክ፡  
 እስመ፡ ለመሃይምናን፡ ሃይማኖተ፡ ይሁብ፡ በማኅደረ፡ ፍናዋት፡ ርቱዓት ።  
 ወይሬእይዎሙ፡ ለእለ፡ ተወልዱ፡ በጽልመት፡ ይትወደዩ፡ በጽልመት፡ እንዘ፡  
 ይትውጎውኑ፡ ጳድቃን ።  
 ወይጳርሑ፡ ወይሬእይዎሙ፡ ኃጥኣን፡ እንዘ፡ ይባርሁ፡ ወየሐውሩ፡ እሙንቱሂ፡ በጎበ፡  
 ተጽሕፈ፡ ሎሙ፡ መዋዕል፡ ወአዝማን ።